

Sermon  
Kxf. Dr. Numlaajtsheb Yaaj

**“Npau suav Ntawm Kev Ntseeg”**

Second Sunday in Lent  
Our Savior Lutheran Church  
3-8-20

Thov txoj koobhmoov txojkev hlub thiab txojkev haumxeeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

**Chivkeeb 12:1** The LORD had said to Abram, “Go from your country, your people and your father’s household to the land I will show you – *Tus Tswv hais rau Anplas haistias, “Koj cia li tso koj lub tebchaws, koj cov kwvtij neejtsa, thiab koj txiv lub tsev tseg, thiab sawv kev mus rau nram lub tebchaws uas kuv yuav qhia rau koj.”* (Cross Reference – Cov Dejnum 7:3, Hinplus 11:8, Chivkeeb 11:32, 15:7, 20:13, 24:24, 26:2, 24:3, Yausuas 24:3, Nehemis :7, Yaxayas 37:12, 51:2)

Illustration: (Dream) (Show what are your dream?)



Ua tibneeg nyob yam uas ua rau yus xav tsis thoob li yog txojkev npausuav. Ntau zaug yus ua npausuav ua rau yus ntshai, ceeb, txhawj losyog zoo siab rau yam uas yus ua npausuav ntawd. Yog koj ua npausuav zoo xws li yus yuav tau nyiajtxiag losyog tau zoo ccess thaum yus sawv mas ua rau yus zoo siab kawg nkaus vim yus xav ntsoov haistias yuav muaj tseeb li ntawd. Tiamsis yog yus ua npausuav phem, xws li ua tsheb sisnraus, poob qhovtsuas losyog lwmyam uas txaus ntshai mas thaum yus sawv mas yus tsua muaj txhawj mus tag li.

Hnub no koj puas muaj kev npausuav ntawm kev ntseeg rau koj tus kheej haistias koj yuav tau qhov zoo uas yog tau txoj sia mus ibtxhis nrog Vajtswv nyob?

- I. Hnub no ntawm Vajluskub Qub ntawm Chivkeeb qhia txog Anplahas txojkev ua npausuav uas pom Vajtswv los hais rau Anplahas kom nws coj nws tsev tibneeg mus rau lub tebchaws uas Vajtswv coglus tseg rau nws. (Show Abraham families journey)



Anplahas thiaj li coj nws tsevneeg thiab nws tus tub xeebntxwv Lauj lawv mus raws li Vajtswv tau teem tseg. Yog peb ua tibzoo xav, yog tej kev nov suab losyog zoo li npausuav no los hais rau koj, koj puas yuav ua raws li cov npausuav ntawd losyog koj yuav ntshai haistias tej zaum yog dab los ua rau koj lawm? (Show religion practice of protection)



Yog cov tsis ntseeg ua npausuav li no ces lawv yeej mus ntiav tibneeg tuaj ua neeb, saib yaig, hu plig thiab lwmyam npaj kom tsi txhob muaj xwmtxheej los raug rau lawv. Lawv yuav tua qaib tua npua, tua nyuj tua twm los mus khi saw dawb saw liab nrog rau saw tooj tej ntawd los mus tivthaiv kom txojkev phem tsis txhob los muab tau lawv raug rau txojkev phem. Tiamsis yog npausuav rau qhov zoo mas tej tus tibneeg tseem hlawv xyab hlawv ntawv thov niam thov txiv kom muaj li ntawd. Ibtxia tseem mus yuav leb thiab ua lwmyam txawv txawv saib puas tau li zaj npausuav. (Show success)



Cov kwvtij hlub thiab movtshua, koj puas muaj kev npausuav hauv koj lub neej? Tus hluas nws xav mus kawm college, mus tau ibtxog dejnum zoo ua thiab yog ibtug nais saib tej lub koomhaum. Tus tub tus ntxhais los sib sau ua txijnkawm xav muaj vaj muaj tsev tshiab, muaj tshab tshiab, thiab muaj menyuum nrog luag ua neej kom tau koob tau npe. Cov niam cov txiv xav muaj txaus noj txaus haus, muaj nyiajtxiag los pab rau nws tej menyuum, ntsib kev noj qab nyob zoo tsis muaj mob

muaj nkeeg thiab muaj kev phooj ywg los ntawm txhua leej txhua tus.  
(Show of dream, faith, belief, and hope)

II. Tseem tshuav ntau yam uas hais tseem tsi tau tag saum no. Tiamsis koj txojkev npausuav



kev ntseeg nes koj xav li cas? Koj puas muaj txojkev npausuav uas tau txojhia thaib muaj lub vaj lub tsev nyob saum ntuj ceebtsheej mus ibtxhis thiab ibtxhis? Vajtswv xav kom koj yuavtsum muaj txojkev npausuav txog txojhia koj thiaj li yuav tau “the crown of life – *lub kausmom kub*” mus ibtxhis nrog Vajtswv nyob. Nov yog ntawm sabntsuajplig uas txhuatus ntseeg yuavtsum muaj txojkev npausuav thaum kawg nws tus kheej thiaj li yuav tau raws li txojkev ua Vajtswv teem tseg kom nws tau mus nyob saum ntuj ceebtsheej. Tiamsis ntawm sab

nqajntawv, tibneeg xum npausuav rau khoom ntiajteb heev duas li txojkev dawbhuv thiab kev ncaincees ntawm Vajtswv. Tibneeg xav tau yog ua nom ua tswv, ua tus thawjcoj, muaj nyiaj muaj txiaj thiab kom lwmtus qhuas nws tias nws yog ibtug tibneeg zoo. (Show leadership)



Yog nws tau tej no lawm ces nws xav haistias nws lub neej zoo lawm. Cov ntseeg totaub nyuaj kawg nkaus haistias nws twb yog tus ntseeg Vajtswv ua li cas nws txojkev npausuav yuav tsis zoo li tus tsis ntseeg Vajtswv? Thaum nws xav li no ces yuav ua rau nws txojkev ntseeg tsuag zuzus mus txog thaum uas nws cia li tsis muaj kev ntseeg thiab cia siab rau Vajtswv li lawm. Tiamsis qhov tseeb tiag koj yog tus ntseeg lawm, koj tsis txhob mus nshaw rau khoom ntiajteb tiamsis yuavtsum ntshaw rau yam uas koj tsi pom. Yam ntawd yog txojkev

“Dream of faith - *Npau suav ntawm kev ntseeg*” uas yog tau txojhia mus ibtxhis.  
(Show Abraham Blessing)



Yog li ntawd Vajtswv Txojlus qhia ntawm Chivkeeb txog Anplahas rau pab tias, Vajtswv yuav pub Anplahas kom nws vammeej, huamvam thiab muaj xeebntxwv coob npaum li cov xuabzeb tom tiaj suabpuam thiab

ntau npaum li cov hnuqbub saum ntuj. Abraham ntseeg Vajtswv tej lus thiab txhua qhov chaw uas nws mus nws thiaj rau siab ntso tias txojkev npausuav ntawv Vajtswv coglus yuav muaj raws li hais.

- III. Peb ua neej nyob thaus Vajtswv hu peb los ntseeg nws, peb txojkev npausuav rau txojkev ntseeg yog peb yuav tau raws li Vajtswv pom zoo. (Show God is calling)

### God is Calling!

How will  
YOU Answer?




Peb thiaj li totaub haistias txawm txojkev ntseeg uas peb twb tsis paub txog li los peb mam li los xyaum ua raws li Vajtswv tej lus samhwm. Thaum Vajtswv txib Anplahas nws cia li sawv kev npaj txhuayam thiab cia li mus raws li Vajtswv hais. Yog Vajtswv txib koj kom koj cia li ua li Vajtswv hais koj puas kam ua? (Show Abraham Tent)



Thaus Anplahas sawv kev mus nws teeb tej tsev ntaub, so mentsis thaj chaw ntawd ces mam li mus rau lwm qhovchaw. Vim lub tebchaws uas Vajtswv coglus rau nws tseem mus tsis tau txog. Nov zoo sisthoj li peb txojkev los ua neej nyob rau lub ntiajteb no. Peb nyob lub tsev ntawd ibntus ces peb kyuav mus nyob lwm lub. Tsis yog los ntawm txojkev ua neej nyob tsev mus mus los los xwb tiamsis peb yuavtsum ua li ntawd vim peb tseem nyob rau lub ntiajteb tsi tau mus txog lub chaw uas

Vajtswv kom peb mus. Lub chaw ntawd yog ntuj ceebtsheej. Vim tej chaw nyob rau ntiajteb tsua nyob ibpliag xwb nws yuav yaj yuav ploj mus. (Abraham set up altar)



Thaum Vajtswv nrog Anplahas tham tag, Anplahas ua lub thaj los mus hawm thiab ua Vajtswv tsaug. Koj lub thaj niaj hnub nimno yog koj txojkev sis raug zoo nrog Vajtswv. Koj yuavtsum tuaj hawm Vajtswv, kawm Vajtswv txojlus, tuaj txais kev zamtxim los ntawm Vajtswv Tes Dejnum Dawbhuv. Thaum kawg koj txojkev npausuav thiaj li yuav puvnpo rau koj mus ibtxhis. Kev ua neej peb yeej muaj kev npausuav rau ntau yam hauv ntiajteb no. Tiamsis txojkev npausuav ntawm kev ntseeg yog kom koj muaj kev ntseeg ruaj khovkho rau ntawm koj tus Tswv Cawmseej Yexus Khetos. (Show keep God at the center of your dream)



Txawm lub ntiajteb yuav pob yuav npaug, kev simsiab, kev dagntxias, nrog rau kev ploj kev tuag los txog koj los koj txojkev npausuav ntawm koj txojkev ntseeg yuav nyob ruaj khovkho mus txog hnub uas Vajtswv los koj koj mus nrog nws nyob saum ntuj ceebtsheej uas yog tau txojhia mus ibtxhis. Thaum no, koj txojkev npausuav ntawm kev ntseeg thiaj li yuav hais tau tias “It is finish – *Tiav lawm lauj*”. Koj yuav ua tiav tau

yog ua rau ntawm tswv Yexus Khetos vim koj txojkev “Dream of faith – *Npausuav ntawm kev ntseeg*” ruaj khovkho rau koj tus Tswv Cawmseej Yexus Khetos mus ibtxhis thiab ibtxhis. Asmees.

Thov kom Vajtswv Txojlus pub rau koj totaub thiab tau nyob kajsiab lug rau ntawm Tswv Yexus Khetos. Peb txhuatus uas yog Vajtswv cov menyuam peb sawvdaws hais: Asmees.